

SO'Z TURKUMLARIDA JUFT SO'ZLARNING NAMOYON BO'LISHI



Tangriyeva Umida Allaberganova

Urganch davlat universiteti akademik litseyining
ona tili va adabiyot fani o'qituvchisi

Kalit so'zlar: ikki komponentli so`zlar, yaqin ma`noli so`zlar, zid ma`noli so`zlar, kompozitsiya, morfologik yozuv, juft so`zlar.

Juft so`zlar barcha mustaqil so`z turkumlari doirasida kuzatiladi. Ular otda, sifatda, sonda, olmoshda, ravishda va fe'lida mavjud.

Predmetlarning nomini, belgi-xususiyatlarini, miqdorini, harakat-holatini ifodalovchi so`zlar orasida juft holda qo'llanadiganlari ancha-muncha. Shuning uchun ular haqida alohida ma'lumot va bilim to'plangan.

Litseyda juft so'zlarni o'rganishga alohida ahamiyat qaratiladi. Bu mavzuni o'rganishda asosiy vazifalar: juft so`zlar haqida dastlab egallangan tushunchalarni yanada shakllantirish va rivojlantirish, o'quvchilar nutqini juft so`zlar bilan boyitish hamda og`zaki va yozma nutqda juft so`zlardan to'g'ri foydalanish ko'nikmasini o'stirish, o'quvchilarning aqliy faoliyatini rivojlantirish, grammatik mavzu bilan bog`liq holda ayrim imloviy qoidalarni o'zlashtirish hisoblanadi. Bu vazifalar bir-biri bilan bog`liq holda hal etiladi.

Juft so`zlarning lingvistik xususiyatlari xiyla murakkab. Shuning uchun boshlang`ich sinf o'quvchilari faqat uning muhim nazariyalari bilan tanishtiriladi. Material tanlashda shu materialning nutq va imloga oid vazifalarini hal qilishda qanchalik zarurligi hisobga olinadi.

Juft so`zlarning xususiyatlari, asosan, quyidagilarda namoyon bo'ladi:

1. Juft so`zlar har doim ikki komponent (ya'ni ikki so`z)dan tashkil topadi va har ikkala komponent bir so`z turkumidan iborat bo'ladi: *baxt-saodat* va *ota-on* – ot bo'lsa; *aytdi-qo'ydi* – fe'l, *erta-kech* – ravishdir.

2. Bir turkumga oid har qanday so`z juftlashavermaydi. So`zlarning juft shakl hosil qilish-qilmasligida ularning ma'no munosabati muhim rol o'ynaydi:

a) sinonimlar juft shakl hosil qiladi. Ma'nodosh (sinonim) so`zlar deganda, bir umumiyl ma'noni ifodalovchi ikki va undan ortiq so`zlar qatori tushuniladi. Masalan, *bahs-munozara*, *ahil-inoq*, *asta-sekin*, *sarson-sargardon* singari juft so`zlar shakli har xil, ammo ma'nosi bir xil bo'lgan o'zaro yaqin ma'noli so`zlardan tashkil topgan.

b) antonimlar juft shakl hosil qiladi. Zid ma'noli so`zlar (antonimlar) deganda, shakli har xil, ma'nosi har xil va ayni paytda, ma'nosi o'zaro qarama-qarshi bo'lgan so`zlar tushuniladi. Masalan, *issiq-sovuq*, *yaxshi-yomon*, *oq-qora*, *yosh-qari*, *uzoq-yaqin* kabi.

Zid ma'noli so'zlar birgalikda qo'llanib, yangi so'z hosil qila oladi. Aytaylik, *yosh-qari* juftligi – *bari*, *hamma* ma'nosini anglatsa, *achchiq-chuchuk* – *salat*, *ovqat turi*; *uzoq-yaqindan* – *hamma yoqdan* ma'nolarini ifodalay oladi.

Antonimlar ma'no jihatidan bir-birini talab qiladigan juftlikdan iborat, ya'ni antonimik juftlikdan biri aytilda, ikkinchisi darhol miyaga keladi: *yer-osmon*, *yaxshi-yomon*, *kuntun kabi* va h.k.

c) biror turga, to'daga oid (umumiyligi bo'lган) narsalarni bildiruvchi so'zlar juft shakl hosil qiladi. Bular uyadosh so'zlar hisoblanadi. Uyadosh so'zlar deganda, bir mazmuniy guruhga mansub bo'lган so'zlar tushuniladi. Masalan: *qo'y-qo'zi*, *sigir-buzoq* singari juft so'zlar o'zaro uyadoshligi bilan ham e'tiborni tortadi. Ular chorvachilik mazmuniy guruhiga mansub hisoblanadi.

3. Juft so'zlarning komponentlari mustaqil ma'noli so'zlar bo'lishi shart. Agar juftlashayotgan komponentlardan biri yoki har ikkisi leksik ma'noga ega bo'lmasa, juft so'z hisoblanmaydi, balki takror so'z sanaladi.

Ikkala komponenti mustaqil ma'noli bo'lган juft formada jamlik, umumlashtirish ifodalanadi: *yor-do'st*, *tozon-tovoq*, *yaxshi-yomon*, *yosh-qari*, *idish-tovoq* kabi.

Bir komponenti mustaqil qo'llanmaydigan so'zlar juft so'z hisoblanmaydi. Chunki ularda ikki hodisani ko'rish mumkin:

a) ikkala komponenti aslida mustaqil ma'noli bo'lib, hozirda komponentlaridan biri mustaqil ma'nosini yo'qotgan bo'ladi. Bunday juftliklar umumlashtirish ma'nosini ifodalaydi va ma'noni kuchaytiradi. Ular juftlik hosil qilsa-da, takror so'z hisoblanadi: *bog`-rog`*, *temir- tersak*, *to's-to 'polon* kabi.

b) ikkinchi komponenti birinchi komponentining fonetik o'zgarishidan iborat bo'lган juftliklar ham juft so'z emas, takror so'zlardir: *chala-chulpa*, *mayda-chuyda*, *kalta-kulta*, *osh-posh*, *non-pon*, *qora-qura*, *avrab-savrab* kabi.

Juftliklarning bu turi hamma vaqt jamlik, umumlashtirish ma'nosini ifodalaydi. Mustaqil qo'llanadigan komponent o'z ma'nosida qo'llanmasa, yangi ma'no ifodalashi (yangi so'z hosil bo'lishi) mumkin. Lekin bunday so'zlar ham sanoqli darajada: *mayda-chuyda* (ba'zi arzimas narsalar), *ora-sira* (ba'zan degani) kabi.

c) ikkala komponenti mustaqil ma'noga ega bo'lмаган juftliklar ham takror so'zlar bo'lib, ular juda ko'p emas: *g`idi-bidi*, *o'lda-jo'lda*, *alpong-talpong*, *adi-badi*, *ikir-chikir*, *azza-bazza*, *apil-tapil*, *alang-jalang*, *aji-buji*, *apoq-chapoq*, *imi-jimida*, *lash-lush* va b. Bunday juftliklarda leksik ma'no bilan birga, umumlashtirish, jamlik ma'nosining ifodalanishi ham sezildi.

4. Juft shakllarda komponentlarning o'rni (birinchi yoki ikkinchi o'rinda qo'llanishi, asosan, qat'iy bo'ladi. Masalan, *qarindosh-urug'*, *oshna-og`ayni*, *salom-alik*, *yaxshi-yomon*, *katta-kichik*, *besh-o'nta* kabi juft so'zlar komponentlarining o'rnini almashtirib bo'lmaydi. Ba'zi juft so'zlar komponentlarining o'rnini almashtirib qo'llash mumkin: *eson-omon* — *omon-eson*, *yozin-qishin* — *qishin-yozin*, *sekin-asta* — *asta-sekin* kabi.

Sababi shundaki, juft so'z komponentlarining tartiblanishida ma'lum qonuniyatlar bor:

1. Hajm, yosh jihatdan kattasini, vazifasiga (mavqeyiga) ko'ra asosiyrog'i, ahamiyatlirog'ini bildiruvchi so'z oldin (birinchi komponent sifatida) qo'llanadi: *otabola, aka-uka, opa-singil, xotin-qiz, nevara-chevara, sigir-buzoq, qo'y-qo'zi, ko'rpayostiq, qozon-tovoq, tovoq-qoshiq, tog'-tosh, katta-kichik, uzun-qisqa*.

2. Ma'nosi kengroq bo'lgan (umumiyoq tushunchani ifodalaydigan) so'z ikkinchi o'rinda keladi: *ot-ulov, xat-xabar, beva-bechora, soya-salqin*.

3. Juft shaklni hosil qiluvchi so'zlardan biri ikkinchisiga nisbatan ma'noni kuchli ottenka bilan ifodalaydi. Ana shunday xususiyatga ega bo'lgan so'z juft shaklning ikkinchi komponenti bo'lib qo'llanadi: *yakka-yagona, tosh-metin, kambag`al-qashshoq, dod-faryod, chang-to'zon*.

4. Ba'zi juft so'z komponentlarining tartiblanishi ular ifodalaydigan harakat-holat, vaqt, miqdor va shu kabilarning qonuniy ketma-ketligi bilan bog'liq bo'ladi: *salom-alik, savol-javob, erta-indin, besh-olti* kabilar. Alik salomdan, javob savoldan, indin ertadan, olti beshdan keyin bo'ladi. Shu sababli yuqoridaagi kabi juft so'zlarda *alik, javob, indin, olti* so'zlari ikkinchi o'rinda qo'llanadi.

Baxtiyor Mengliyevning "O'zbek tilidan universal qo'llanma" kitobida juft so'zlarning oxirgi bo'g'iniga urg'u tushishi qayd qilinadi: Masalan: *ota-oná, aka-uká, yaxshi-yomón, baland-pást, asta-sekín*.

1995-yil 24-avgustda qabul qilingan "O'zbek tilining imlo qoidalari"da juft so'zlar morfologik yozuv prinsipi ko'ra yozilishi qayd etilgan. Chunki bular qoidaga ko'ra ajratib, chiziqcha bilan yoziladi. Masalan: *ota-oná, aka-uká, tog'-tosh, yaxshi-yomon*. Agar juft so'zlar orasida -u, -yu yuklamasi kelsa, bu yuklama oldingi qismidan chiziqcha bilan ajratib yoziladi va juft so'zlar orasida chiziqcha qo'yilmaydi. Masalan: *tog'-u tosh, aka-yu uka, yaxshi-yu yomon, ota-yu ona*.

Juft so'zlarning grammatik ma'nolari:

n ko'plik: aka-uka;

n jamlash, umumlashtirish: qozon-tovoq, qovun-tarvuz;

n davomiylilik: kecha-kunduz, tun-kun.

FOYDALANILGAN ADABIYOTLAR RO'YXATI:

1. Abduruhmonov Sh., Asqarova M., Hojiyev A., Rasulov, Doniyorov X. Hozirgi o'zbek adabiy tili. – T.: "O'qituvchi", 1980.
2. Olimov M. Risolai sarf yoki an'anaviy morfologiya. – T.: "FAN", 2003.
3. Mengliyev B., Xoliyorov O'. O'zbek tilidan universal qo'llanma. – T.: "FAN", 2008.
4. Tursunov U., Muxtorov J., Rahmatullayev Sh. Hozirgi o'zbek adabiy tili. Morfologiya, leksikologiya. Qo'llanma. – T.: O'qituvchi, 1965.
5. Safarova R., Musayev U. va b. O'zbekiston Respublikasida umumiyoq o'rta ta'lim strategiyasi muammolari va ta'lim mazmunining yangi modellari, ularni tatbiq etish yo'llari. – T.: Fan, 2005.